

Samþykktir Íþróttafélagsins Gróttu

1. gr.

Nafn félags og varnarþing

Félagið heitir Íþróttafélagið Gróttu . Lögheimili þess og varnarþing er á Seltjarnarnesi.

2. gr.

Tilgangur félags og grunngildi

Tilgangur Íþróttafélagsins Gróttu er að veita iðkendum á öllum aldri þjónustu og aðstöðu til að iðka og stunda íþróttir. Sérstök áhersla er lögð á íþrótt- og uppeldisstarf með börnum og unglingum til að stuðla að heilbrigðu líferni og félagsþroska.

3. gr.

Merki félags og búningur

Merki félagsins er blár fugl á gulum þríhyrndum grunni (litastaðall: pantone 286 blár og pantone 108 gulur) Heitið GRÓTTA er ritað fyrir ofan fuglinn. Við félagsmerkið er íþróttadeild heimilt að bæta nafni eða merki deildarinnar. Slíkt þarf þó að hljóta samþykki aðalstjórnar félagsins.

Allir keppnisbúningar félagsins og auglýsingar á þeim eru háðar samþykki aðalstjórnar.

Aðalstjórn er heimilt að setja nánari reglur um útlit og gerð búninga.

4. gr.

Aðild að heildarsamtökum

Félagið er aðili að Íþróttasambandi Íslands (ÍSÍ) og sérsamböndum þess, Ungmennafélagi Íslands og Ungmennasambandi Kjalarnesþings og er háð lögum þeirra og ákvörðunum.

5. gr.

Félagar

Félagsaðild að Gróttu er opin fyrir alla, sem sjálfviljugir taka á sig þær skyldur sem félagsaðildinni fylgir, án tillits til kynþáttar, litarháttar, kynferðis, tungumáls, trúar, stjórnsmálaskoðana eða annarra skoðana, þjóðernis, uppruna, eigna, ætternis, kynhneigðar eða annarra ástæðna.

Allir félagar skulu hafa jafnan rétt til aðstöðu, æfinga, þjónustu félagsins og skal Gróttu leitast við að mæta þörfum félaga eins og kostur er miðað við aðstæður og mannaður leyfir hverju sinni.

Við kjör í stjórnir félagsins og skipanir í trúnaðarstörf skal leitast við að hafa sem jafnast hlutfall kynjanna.

Félagar í Gróttu eru:

- Allir iðkendur sem greiða æfingagjöld.
- Foreldrar/forráðamenn iðkenda.
- Þeir sem greiða félagsgjöld til félagsins.
- Stjórnarmenn í aðalstjórn og deildum, sjálfboðaliðar í nefndum og ráðum:
- Starfsmenn félagsins og þjálfarar í deildum þess.
- Heiðursfélagar.

Aðalstjórn ákveður félagsgjald árlega og samþykkir iðkendagjöld deilda.

Aðalstjórn skal halda félagaskrá á stafrænu formi.

Aðeins lögráða félagar geta haft atkvæðarétt í félaginu

Úrsögn úr félaginu skal vera skrifleg. Hafir stjórnarmenn, sjálfboðaliðar, starfsmenn eða þjálfarar hætt störfum í þágu félagsins falla þeir af félagaskrá nema þeir greiði félagsgjald. Aðalstjórn getur tekið féлага af félagaskrá vegna verulegra vanskila á greiðslu æfingagjalda eða félagsgjalda. Þá getur aðalstjórn víkið iðkanda úr starfi vegna verulegra vanskila á iðkendagjöldum.

6. gr.

Reikningsár

Reikningsár félagsins skal vera almanaksárið.

7. gr.

Aðalfundur félagsins

Aðalfundur félagsins hefur æðsta vald í öllum málum þess og hefur einn vald til að breyta lögum þess.

Aðalfundur Gróttu skal haldinn eigi síðar en 1. maí ár hvert fyrir starfsárið næst á undan.

Aðalfundur skal boða með minnst 14 daga fyrirvara. Tilkynning um hann skal þá birtast í miðlum félagsins. Jafnframt skal senda tilkynningu til starfandi deilda félagsins og til þess mælst að þær komi upplýsingum um fundinn áfram til félagsmanna og iðkenda.

Aðalfundur er lögmætur ef löglega er til hans boðað.

Tillögur til breytinga á samþykktum félagsins skal senda aðalstjórn eigi síðar en 7 dögum fyrir aðalfund. Heimilt er þó að taka fyrir á aðalfundi tillögur til breytinga á samþykktum félagsins, sem síðar koma fram ef 2/3 hluta atkvæðisbærra fundarmanna eru því samþykkir.

Rétt til setu á aðalfundi með tillögurétt og málfrelsi hafa allir félagar í félaginu.

Atkvæðisrétt á aðalfundi hafa allir lögráða félagar í félaginu sbr. 5.gr.

Kjörgengi til stjórnarstarfa og annarra trúnaðarstarfa fyrir félagið hafa allir lögráða félagar, sem uppfyllt hafa skyldur sínar við félagið.

Á aðalfundi félagsins ræður einfaldur meirihluti úrslitum mála, nema þegar um er að ræða tillögur til félagsslita sem fer eftir ákvæðum 19. gr. og tillögur um breytingar á samþykktum félagsins sem eftir ákvæðum 20. gr.

Kosningar skulu vera skriflegar sé þess óskað. Séu atkvæði jöfn skal kosning endurtekin. Verði atkvæði þá enn jöfn skal hlutkesti ráða.

8. gr.

Dagskrá aðalfundar

Dagskrá aðalfundar skal vera sem hér segir:

1. Formaður félagsins setur fundinn.
2. Kosinn fundarstjóri
3. Kosinn fundarritari
4. Fundargerð síðasta aðalfundar lögð fram til samþykktar.
5. Aðalstjórn gefur skýrslu um starfsemi og framkvæmdir á liðnu starfsári.
6. Aðalstjórn gefur skýrslu um fjárhag félagsins og leggur fram endurskoðaða reikninga félagsins fyrir liðið starfsár til samþykktar.
7. Aðalstjórn leggur fram rekstraráætlun næsta starfsárs.
8. Breytingar á samþykktum sbr. 20. gr.
9. Kosning formanns.
10. Kosning 4 stjórnarmanna.
11. Kosning 2 varamanna í stjórn.
12. Kosning löggilts endurskoðanda eða endurskoðunarfélags.
13. Kosning 2 félagslegra skoðunarmanna.
14. Kosning þriggja einstaklinga í uppstillinganefnd.
15. Önnur mál.

Heimilt er að samþátta aðalfund félagsins með aðalfundum deilda félagsins á þann hátt að skýrsla aðalstjórnar og deilda sé flutt saman sem og reikningar aðalstjórnar og deilda.

Kosning í aðalstjórn og stjórnir deilda skal þó fara fram í sitthvoru lagi sem og samþykktir reikninga.

Ef aðalstjórn boðar ekki til lögboðins aðalfundar, skulu formenn deilda boða til aðalfundar innan tveggja mánaða.

9. gr.

Aukaaðalfundur félagsins, félagsfundur

Aukaaðalfund félagsins skal halda ef aðalstjórn telur þess þörf, eða ósk þar um berst frá a.m.k. 2 deildum félagsins. Aukaaðalfundur er lögmatgur, ef til hans er boðað samkvæmt ákvæðum 7.

greinar þessara laga. Aukaaðalfundur hefur sama vald og aðalfundur, nema lagabreytingar og stjórnarkosning getur ekki farið fram á aukaaðalfundi.

Aðalstjórn félagsins getur boðað til almenns félagsfundar telji aðalstjórn ástæðu til. Þá er aðalstjórn skylt að boða almennan félagsfund ef 30 félagsmenn eða fleiri krefjast þess. Fundarboð skal þá vera með sama hætti og til aðalfundar og skal tilefni fundarins tilgreint í fundarboði. Almennur félagsfundur er ályktunarbær um boðað fundarefni.

10. gr.

Aðalstjórn

Aðalstjórn Gróttu fer með æðsta vald í öllum málefnum félagsins og deilda þess milli aðalfunda. Aðalstjórn ber að efla félagið á allan hátt og gæta hagsmuna þess í hvívetna.

Aðalstjórn Gróttu skal skipuð:

- Formanni kosinn beinni kosningu á aðalfundi til tveggja ára.
- Fjórum stjórnarmönnum sem kosnir eru beinni kosningu á aðalfundi, til tveggja ára. Skulu kjörtímabil þeirra víxlast með þeim hætti að kosið er um tvö sæti í aðalstjórn árlega.
- Einum fulltrúa frá hverri deild félagsins tilnefndum af stjórn viðkomandi deildar til eins árs í senn.
- Þá skulu kosnir árlega tveir varamenn í stjórn til eins árs.

Kosningar skulu vera skriflegar sé þess óskað. Séu atkvæði jöfn skal kosið að nýju, bundinni kosningu og fáist þá ekki úrslit skal varpa hlutkesti. Komi aðeins fram eitt framboð til stjórnarstarfs þá er sá sem tilgreindur er sjálfkjörinn.

Þeir sem eiga sæti í stjórnnum íþróttadeilda félagsins og starfsmenn Gróttu, þar með taldir þjálfarar og leikmenn félagsins, eru ekki kjörgengir í aðalstjórn Gróttu. Það sama á við um þá sem eru stjórnarmenn, starfsmenn og þjálfarar annarra íþróttafélaga. Ákvæði þessi eiga þó ekki við þá stjórnarmenn sem tilnefndir eru að deildum félagsins.

Stjórn skiptir með sér verkum á fyrsta stjórnarfundi eftir aðalfund. Skipað skal í eftirtalin embætti:

- Varaformaður
- Gjaldkeri
- Ritari
- Meðstjórnandi

Tilnefning fulltrúa deilda.

Stjórnarmenn aðrir en tilnefndir fulltrúar deilda í aðalstjórn Gróttu skulu ekki gegna trúnaðarstörfum fyrir neina aðra einingu innan Gróttu.

Fulltrúar aðalstjórnar hafa rétt til að sitja alla fundi félagsins og deilda þess. Hafa aðalstjórnarmenn málfrelsi og tillögurétt á fundum deilda félagsins

Stjórnarmenn í aðalstjórn Gróttu skulu ekki taka þátt í afgreiðslu mála er varða verulega persónulega hagsmuni þeirra.

Aðalstjórn félagsins er forsvari þess gagnvart ÍSÍ, UMFÍ, UMSK, bæjarstjórn Seltjarnarness, öðrum opinberum yfirvöldum og aðalstjórn annarra íþróttafélaga. Aðalstjórn skipar alla trúnaðarmenn félagsins í nefndir og ráð innan íþróttahreyfingarinnar, sem félagið á aðild að. Skal aðalstjórninni heimilt að kalla félagsmenn sér til aðstoðar og skipa starfsnefndir til sérstakra verkefna ef þurfa þykir s.s. til uppbyggingar félagssvæðis og íþróttamannvirkja, fjáraflana o.s.frv.

Verkefni aðalstjórnar eru auk ofangreinds eru m.a. ýmis stærri fjáröflunarverkefni, skipting styrkja bæjarins, lottógreiðslna og getrauna auk yfirumsjónar félagatala Gróttu.

Aðalstjórn ber ábyrgð á fjárreiðum deilda, hún setur deildum reglur um fjárreiður og meðferð fjármuna og hefur eftirlit með starfsemi þeirra.

Lántökur deilda eru óheimilar nema með samþykki aðalstjórnar.

Leggja skal fjárhagsskuldbindingar s.s. samninga við styrktaraðila, leikmannasamninga og þjálfarasamninga deilda fyrir aðalstjórn til samþykktar.

Aðalstjórn hefur umráðarétt yfir öllum eigum félagsins og annast rekstur eigna þess.

Kaup, sala og veðsetning fasteigna félagsins er bundin samþykkt aðalstjórnar.

Enga fullnaðaráætlun getur aðalstjórn gert nema með samþykki meirihluta aðalstjórnarmanna.

Aðalstjórn skal að jafnaði halda fundi mánaðarlega og skal halda um þá sérstök gerðarbók. Fundargerðir aðalstjórnar skulu birtar á miðlum félagsins.

Meirihluti stjórnar félagsins ritar firma þess. Stjórn félagsins er heimilt að veita prókúruumboð og eru allar fjárskuldbindingar félagsins og deilda þess háðar samþykki prókúruhafa. Óheimilt er að skuldbinda félagið eða deildir þess með persónulegum ábyrgðum einstaklinga. Allar meiriháttar eða óvenjulegar ráðstafanir gerðar í nafni Gróttu eða deilda þess skulu bornar undir aðalstjórn fyrirfram til samþykktar.

11. gr.

Framkvæmdastjóri

Framkvæmdastjóri er ráðinn af aðalstjórn og starfar í umboði hennar.

Framkvæmdastjóri ræður allt annað starfsfólk. Framkvæmdastjóri annast daglegan rekstur félagsins og skal í þeim efnum fara eftir þeirri stefnu og fyrirmælum sem aðalstjórn hefur gefið. Hann hefur umsjón með gerð rekstraráætlana fyrir félagið og ber ábyrgð á framkvæmd þeirra. Hinn daglegi rekstur tekur ekki til ráðstafana sem eru óvenjulegar eða mikils háttar. Slíkar ráðstafanir getur framkvæmdastjóri aðeins gert samkvæmt sérstakri heimild frá aðalstjórn, nema ekki sé unnt að bíða ákvarðana aðalstjórnar án verulegs tjóns fyrir starfsemi félagsins. Í slíkum tilvikum skal aðalstjórn tafarlaust tilkynnt um ráðstöfunina. Framkvæmdastjóri skal sjá um að bókhald félagsins sé fært í samræmi við lög og venjur og meðferð eigna félagsins sé með tryggilegum hætti. Aðalstjórn skal annast um að nægilegt eftirlit sé haft með bókhaldi og meðferð fjármuna félagsins.

Framkvæmdastjóri skal bera önnur verkefni sín og/eða launuð störf, sem ótengd eru félaginu, undir aðalstjórn félagsins til samþykktar.

12. gr

Deildir Gróttu

Aðalstjórn félagsins skal sjá um stofnun nýrrar deildar innan félagsins. Skal aðalstjórn leggja rökstudda beiðni um það fyrir aðalfund. Heimili aðalfundur stofnun nýrrar deildar með samþykki 2/3 hluta atkvæðisbærra fundarmanna, skal aðalstjórn sjá um að boða til stofnfundar, sem skal fara fram samkvæmt reglum um aðalfundi deilda, sbr. 14. grein

Hver deild skal sjá um sig sjálf fjárhagslega. Bókhald deildar skal þó fært og varðveitt á skrifstofu félagsins.

Hver deild hefur tekjur af árgjöldum, íþróttakeppnum og þeim fjáröflunum, sem hún tekur sér fyrir hendur í samráði við aðalstjórn félagsins. Deildarstjórn íþróttadeildar skal leggja fram fjárhagsáætlun fyrir 10. október ár hvert fyrir starfsárið til aðalstjórnar.

Allar meiriháttar fjárhagslegar skuldbindingar deildar sem og alla leikmanna- og þjálfarasamninga ber að leggja fyrir aðalstjórn til samþykktar.

Aðalstjórn hefur á hverjum tíma rétt til að skoða bókhald og fjárreiður deildar. Í því skyni getur aðalstjórn tilnefnt sérstakan trúnaðarmann til slíkra verka, sem getur komið með fyrirmæli um úrbætur ef þurfa þykir.

Afreksstarf og fjármögnun þess skal aðgreint sérstaklega í reikningum íþróttadeildar.

Eignir hvernar deildar teljast sameign félagsins og verðlaunagripir og verðmæt skjöl skulu vera í vörslu aðalstjórnar.

Hætti deild störfum renna eignir hennar tímabundið í vörslu aðalstjórnar. Hefjist starfsemi hennar ekki að nýju innan tveggja ára, ber að sækja um stofnun deildarinnar að nýju til aðalstjórnar. Taki deildin ekki til starfa að nýju innan fimm ára, renna eignir hennar endanlega í vörslu aðalstjórnar félagsins.

13.gr.

Stjórnir deilda Gróttu

Hver íþróttadeild félagsins hefur stjórn sem kosin er á aðalfund deildarinnar og sjálfstæðan fjárhag. Stjórnir íþróttadeildanna ráða þjálfara og ákveða laun þeirra.

Stjórn hvernar íþróttadeildar skipa fimm, sjö eða níu stjórnarmenn: Formaður, varaformaður, ritari, gjaldkeri og meðstjórnendur og skulu þeir kosnir á aðalfundi deildanna til tveggja ára, formaður sérstaklega, en annars skiptir stjórn sjálf með sér verkum. Heimilt er að kjósa tvo varamenn.

Deildarstjórnir fara með daglegan rekstur deilda milli aðalfunda þeirra og hafa ákvörðunarvald í málefnum deildarinnar. Deildarstjórn ber ábyrgð á því gagnvart aðalstjórn að rekstur deildar

og fjárreiður séu í samræmi við lög og reglur félagsins og landslög. Stjórn deildar ber að efla hana á allan hátt og gæta hagsmuna hennar í hvívetna.

Stjórnir deildanna ráða faglærða þjálfara og ákveða laun þeirra. Við ráðningu þjálfara til yngri flokka skulu deildir hafa til hliðsjónar stefnuyfirlýsingu Íþróttá- og Ólympíusambands Íslands um þjálfaramenntun. Ráðning skal staðfest af aðalstjórn.

14. gr.

Aðalfundir deilda

Fyrir 1. maí ár hvert skulu haldnir aðalfundir allra íþróttadeildanna.

Atkvæðisrétt á þeim fundi hafa allir lögráða félagar, enda hafa þeir greitt lögbundin gjöld. Allir félagsmenn hafa málfrelsi og tillögurétt á aðalfundum deildanna. Fundirnir skulu boðaðir opinberlega með minnst viku fyrirvara og eru lögmætir sé rétt til þeirra boðað. Jafnframt fundarboðum skal aðalstjórn tilkynnt um fundinn.

Dagskrá aðalfundar deilda skal vera:

1. Kosning fundarstjóra og fundarritara.
2. Deildarstjórn gefur skýrslu um starfsemi á liðnu ári.
3. Deildarstjórn gefur skýrslu um fjármál deildarinnar og leggur fram endurskoðaða reikninga.
4. Kosning deildarstjórnar
 - a. Formaður
 - b. Meðstjórnendur
 - c. Varamenn kosnir
5. Önnur mál

Að loknum aðalfundi skal deildarstjórn tilkynna aðalstjórn skriflega hverjir kjörnir hafa verið í stjórn deildarinnar, heimilisföng, netföng og símanúmer. Einnig skal þá afhenda aðalstjórn skýrslu um starfsemi deildarinnar og endurskoðaða reikninga, hafi það ekki verið gert áður. Þessi gögn skulu hafa borist aðalstjórn eigi síðar en fjórtán dögum fyrir aðalfund félagsins.

15. gr.

Vanræksla

Vanræki einhver deild að halda aðalfund á tilsettum tíma skal aðalstjórn félagsins boða til fundarins og sjá um framkvæmd hans.

16. gr.

Uppstillingarnefnd

Þriggja manna uppstillingarnefnd skal kosin á aðalfundi Gróttu og starfar hún milli aðalfunda.

Uppstillingarnefnd skal auglýsa eftir framboðum og tillögum um frambjóðendur til embætta sem kosið er til á aðalfundi félagsins minnst 14 dögum fyrir aðalfund. Fyrir þann tíma ber stjórnarmönnum, sem ekki gefa kost á sér til endurkjörs, að tilkynna uppstillingarnefnd um ákvörðun sína. Framboðum til aðalstjórnar skal skilað til uppstillingarnefndar eigi síðar en viku fyrir aðalfund.

Uppstillingarnefnd sannreynir kjörgengi framboða. Uppstillingarnefnd skal í störfum sínum leitast við að fá fulltrúa ólíkra hópa til trúnaðarstarfa fyrir félagið.

17. gr.

Viðurlög

Hafi félagi brotið samþykktir þess með framkomu sinni, hnekktt álit félagsins eða unnið gegn markmiðum þess verulega, er aðalstjórn heimilt að veita viðkomandi skriflega áminningu eða víkja viðkomandi úr félaginu og/eða setja hann í æfinga og/eða keppnisbann. Að jafnaði skal viðkomandi gefin kostur á að bæta ráð sitt áður en honum er vikið úr félaginu. Skylt er aðalstjórn að boða hinn brotlega á sinn fund og gefa honum kost á að tala máli sínu. Ákvörðun aðalstjórnar skv. þessari grein má bera undir aðalfund félagsins.

18. gr.

Viðurkenning, heiðursmerki.

Aðalstjórn veitir viðurkenningu fyrir íþróttárangur eða störf í þágu félagsins eða íþróttahreyfingarinnar samkvæmt sérstökum reglum sem samþykktar eru á aðalfundi félagsins. Þá kys aðalstjórn heiðursfélaga.

19. gr.

Félagsslit

Félaginu má slíta að fengnu samþykki 4/5 þeirra sem atkvæði greiða á fundi sem boðað er til sérstaklega í þessu skyni. Skal fundarefnis getið í auglýsingu. Boðun fundarins skal vera í samræmi við ákvæði 1. mgr. 8. gr. Verði félagið lagt niður skulu eignir þess ganga til Seltjarnarneskaupstaðar til varðveislu og afhendist síðar félagi sem stofnað yrði með hliðstæðum markmiðum.

20. gr.

Breytingar á samþykktum

Samþykktum þessum mál ekki breyta nema á aðalfundi félagsins og þarf til þess samþykki 2/3 hluta atkvæðisbærra fundarmanna, sbr. 7. og 8. gr.

Tillögur til breytinga á samþykktum félagsins skulu tilkynntar með aðalfundarboðinu og skulu þær liggja frammi hjá aðalstjórn félagsins eigi skemur en 7 dögum fyrir aðalfund félagsins.

Samþykktir þessar öðlast þegar gildi og falla þar með úr gildi allar fyrri samþykktir og lög félagsins.

Þannig samþykkt á aðalfundi Gróttu 4. júní 2020.